

BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
OPĆINSKI SUD U CAZINU  
Broj: 020-0-SU-20-000294  
Cazin, 02.09.2020.godine

Na osnovu člana 31. Zakona o sudovima u F BiH (Sl. Novine F BiH broj 38/05) i člana 8. Pravilnika o unutrašnjem sudskom poslovanju sudova (Sl. Glasnik broj 57/08 i 66/12), Odluke VSTV-a broj 08-02-2-1020-2/2020 od 22.03.2020.godine Predsjednik suda donosi sljedeću

**O D L U K U**  
o organizaciji rada Općinskog suda u Cazinu  
povodom epidemiološke situacije u BIH  
(COVID-19)

1. Ulazak u sud i prekršajno odjeljenje (zgrada Pošte) odnosno u prijemnu kancelariju i ZK Ured strankama je dozvoljen pojedinačno uz obaveznu kontrolu temperature.
2. Radno vrijeme Općinskog suda u Cazinu u narednom periodu je od 07,30 – 16,00 sati, a petkom od 07,30 – 15,30 sati.
3. Glavni pretresi i sva druga ročišta u krivičnim i prekršajnim predmetima se imaju zakazati i održavati u krivičnoj sudnici prema rasporedu koji će sačiniti predsjednik krivično – prekršajnog odjeljenja.
4. Ročišta u građanskim predmetima se imaju zakazivati u skladu sa odlukama nadležnih tijela vezano za epidemiološku situaciju.  
Raspored ročišta radi socijalne distance i kretanja stranaka po pozivu u sud će koordinirati predsjednik građanskog odjeljenja.
5. Ročišta u izvršnim predmetima kao i vanparničnim predmetima će se zakazivati u skladu sa odlukama nadležnih tijela vezano za epidemiološku situaciju.  
Raspored ročišta radi socijalne distance i kretanja stranaka po pozivu u sud će koordinirati predsjednik izvršnog odjeljenja.

ZK ured će raditi u punom sastavu.

Pisarnica suda će raditi u punom sastavu.

Recepcija (Portirnica) suda će raditi prema utvrđenom radnom vremenu a prijem zahtjeva za ZK ured i pisarnicu od 08,00 – 13, 00 sati.

Upisnik prekršaja će raditi svakim danom od 08,00 – 13,00 sati.

Sud će obezbijediti zaštitna sredstva - korito za dezinfekciju obuće na ulazu u zgradu suda i odjeljenja za prekršaje, dezinfekciona sredstva za ruke u ulazu u zgradu, zaštitne maske i rukavice za sudije i uposlenike i ostala sredstva.

Sud je obezbijedio toplomjer za mjerenje temperature na ulazu u pravosudnu instituciju – zgradu suda, kao i u prekršajnom odjeljenju (zgrada Pošte) za uposlenike i stranke po pozivu suda na pretrese ili ročišta.

Ova Odluka će biti izmijenjena u slučaju promijenjenih okolnosti.

Odluka stupa na snagu dana 02.09.2020.godine i ostaje na snazi do 30.09.2020.godine ili izmjenjenih okolnosti.

**PREDSJEDNIK SUDA**  
Mirsad Hairlahović

Dostavljeno:

- Svim sudijama i uposlenim.
- Kantonalnom tužilaštvu
- Predsjednici Kantonalnog suda
- VSTV-u
- Web stranica suda
- Na ulaznim vratima zgrade suda